



Na osnovu člana 363. stav 3. tačka 5. Zakona o stvarnim pravima Federacije BiH ("Službene novine Federacije BiH", broj: 66/13 i 100/13), člana 13. stav 2. tačka 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 4. tačka c. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH, broj: 17/14), člana 8. Odluke o građevinskom zemljištu („Službeni glasnik Općine Breza“, broj: 6/17 i 1/19) i člana 19. tačka 7. i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj dana 30.10.2019. godine, d o n o s i

ODLUKU

o prodaji neizgrađenog gradskog građevinskog zemljišta neposrednom pogodbom, radi oblikovanja građevinskih parcela

Član 1.

Odobrava se prodaja neizgrađenog gradskog građevinskog zemljišta (u daljem tekstu nekretnina) u vlasništvu Općine Breza, radi oblikovanja građevinskih parcela, neposrednom pogodbom Nuhanović (Mehmed) Murisu iz Breze, koje se nalaze u Brezi, naselje Bate, a koje su označene kao:

- k.č. broj: 409/2, zv. „Branka Pavlića; Ostalo neplodno zemljište“, u površini od 177 m², upisana u Zemljišnoknjižni uložak broj: 75 k.o. Breza, vlasništvo Općine Breza sa dijelom 1/1, upisana i u Posjedovni list broj: 137 k.o. Breza, posjednik Općina Breza sa dijelom 1/1,

- k.č. broj: 409/4, zv. „Branka Pavlića; Ostalo neplodno zemljište“, u površini od 59 m², upisana u Zemljišnoknjižni uložak broj: 75 k.o. Breza, vlasništvo Općine Breza sa dijelom 1/1, upisana i u Posjedovni list broj: 137 k.o. Breza, posjednik Općina Breza sa dijelom 1/1,

Član 2.

Nekretnine iz člana 1. ove Odluke, prodaju se neposrednom pogodbom Nuhanović Murisu iz Breze, radi oblikovanja građevinskih parcela br. 384 i 388 po Regulacionom planu „Uže urbano područje grada“ („Službeni glasnik Općine Breza“, broj: 10/18), za planirani poslovni objekat.

Član 3.

Prodajna cijena nekretnina iz člana 1. ove Odluke, utvrđena je na osnovu Nalaza - Procjena vrijednosti neizgrađenog građevinskog zemljišta, urađenog od strane stalnog sudskog vještaka arhitektonske struke Ejuba Salkića dipl.ing.arh., od 11.10.2019.godine i iznosi:

- k.č. br. 409/2, po cijeni od 50,00 KM po 1 m², što za 177 m² ukupno iznosi 8.850,00 KM
- k.č. br. 409/4, po cijeni od 50,00 KM po 1 m², što za 59 m² ukupno iznosi 2.950,00 KM

Član 4.

Daje se ovlaštenje Općinskom načelniku da u ime Općine Breza, na osnovu ove Odluke sa kupcem Nuhanović Murisom zaključi kupoprodajni ugovor, koji će biti u formi notarski obrađene isprave i kojim će se regulisati međusobna prava i obaveze ugovornih strana.

Kupoprodajni ugovor Općinski načelnik će zaključiti sa kupcem nakon pribavljenog mišljenja Općinskog pravobranilaštva Breza.

Kupac je dužan kupoprodajnu cijenu uplatiti na račun Općine Breza, prije zaključenja kupoprodajnog ugovora u roku od 15 dana od dana stupanja na snagu ove Odluke.

Ugovor o kupoprodaji ima se potpisati u roku od 30 dana od dana stupanja na snagu ove Odluke.

Član 5.

Sve troškove u vezi prenosa prava na zemljištu iz člana 1. ove Odluke, troškove zaključenja ugovora, plaćanje poreza i troškove provođenja ugovora snosi kupac.

Član 6.

Nakon kompletno okončanog postupka prodaje nekretnina iz člana 1. ove Odluke, Općinski načelnik obavezan je pisanom informacijom upoznati Općinsko vijeće o prodaji nekretnina.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Breza".

Broj: 01/1-02-2567/19
Breza, 30.10.2019.godine

PREDSJEDAVAJUĆI
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2560/19
Breza, 30.10.2019. godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacije o rezultatima mjerenja kvaliteta zraka na području Općine Breza, mikrolokacija Rudnik mrkog uglja „Breza“, Općinsko vijeće Općine Breza na sjednici održanoj dana 30.10.2019.godine, d o n o s i:

ZAKLJUČAK

I

PRIMA SE na znanje Informacija o rezultatima mjerenja kvaliteta zraka na području Općine Breza, mikrolokacija Rudnik mrkog uglja „Breza“.

II

Da se izvrši mjerenje kvaliteta zraka u zimskom periodu u mjesecu decembru i januaru kada je najveća koncentracija čestica u zraku i kada je najveći atmosferski pritisak.

III

Za realizaciju zaključka zadužuje se Služba za privredu.

IV

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x Evidencija
1x a/a

PREDSJEDAVAJUĆI
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2463/19
Breza, 30.10.2019. godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Informacije o socijalno-ekonomskom stanju boračke populacije na području Općine Breza tokom 2019.godine, Općinsko vijeće Općine Breza na sjednici održanoj dana 30.10.2019.godine, d o n o s i:

ZAKLJUČAK

I

PRIMA SE na znanje Informacija o socijalno-ekonomskom stanju boračke populacije na području Općine Breza tokom 2019.godine.

II

Zaključak objaviti u „Službenom glasniku Općine Breza“.

Dostavljeno:

1x Služba za finansije, insp. posl. i opću upravu,

1x Evidencija

1x a/a

PREDSJEDAVAJUĆI

Općinskog vijeća

Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2558/19
Breza, 30.10.2019. godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Informacije o gospodarenju u šumi i šumskom zemljištu na području Općine Breza u PJ Šumarija Vareš za 2018. godinu, Općinsko vijeće Općine Breza na sjednici održanoj dana 30.10.2019. godine, d o n o s i:

ZAKLJUČAK**I**

PRIMA SE na znanje Informacija o gospodarenju u šumi i šumskom zemljištu na području Općine Breza u PJ Šumarija Vareš za 2018. godinu.

II

Da se zatraži sveobuhvata informacija o gospodarenju u šumi i šumskom zemljištu na području Općine Breza koja će sačinjavati informacije o planu sječe šume kako četinara tako i lisičara za vremenski period od 10 godina.

Plan i Program upravljanja šumskim zemljištem sa akcentom na:

- pošumljavanje,
- rekultivacija,
- uzgoj sadnica prema nadmorskoj visini i tlu koje odgovara za određeno područje,
- te aktivnosti koje se poduzimaju u cilju zaštite šuma.

III

Za realizaciju zaključka zadužuje se Služba za privredu.

IV

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x Evidencija
1x a/a

PREDSJEDAVAJUĆI
Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. stav 1. tačka 19. Statuta Općine Breza („Službeni glasnik Općine Breza”, broj: 8/09 – Prečišćeni tekst), člana 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine a u vezi sa članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17) i člana 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine Općinsko vijeće Breza, na sjednici održanoj dana 30.10.2019.godine, d o n o s i

ZAKLJUČAK**I**

DAJE SE SAGLASNOST Hasanspahić Salihu, da u ime Osnivača a na prijedlog Općinskog načelnika predsjedava na 38. redovnoj sjednici Skupštine JP „Komunalno“ d.o.o. Breza.

II

Dnevni red 38. redovne sjednice Skupštine JP „Komunalno“ d.o.o. Breza je:

1. Donošenje Odluke o imenovanju člana Nadzornog odbora Javnog preduzeća „Komunalno“ d.o.o. Breza po provedenoj Konkursnoj proceduri.

III

Prilikom glasanja po predloženom dnevnom redu:

1. ovlaštteni punomoćnik će glasati ZA HODŽIĆ (Nezira) RUZMIN.

IV

Zaključak objaviti u „Službenom glasniku Općine Breza“.

Broj: 01/1-02-2623/19
Breza, 30.10.2019.godine

PREDSJEDAVAJUĆI
Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2595/19
Breza, 30.10.2019. godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja prijedloga Poslovnika o radu Komisije za realizaciju Strateškog plana razvoja Općine Breza, Općinsko vijeće Općine Breza na sjednici održanoj dana 30.10.2019.godine, d o n o s i:

ZAKLJUČAK**I**

DAJE SE SAGLASNOST na Poslovnik o radu Komisije za realizaciju Strateškog plana razvoja Općine Breza.

II

Sastavni dio Zaključka je Poslovnik o radu Komisije za realizaciju Strateškog plana razvoja Općine Breza.

III

Za realizaciju zaključka zadužuje se Služba za privredu.

IV

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x Evidencija
1x a/a

PREDSJEDAVAJUĆI
Općinskog vijeća
Memsud Kadrić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Komisija za realizaciju
Strateškog plana razvoja Općine Breza

Na osnovu člana 15. stav 1. alineja 2. Zakona o principima lokalne samouprave („Službene novine FBiH“ br. 49/06 i 51/09), te na osnovu člana 37. stav 1. tačka 6. Statuta Općine Breza („Službeni glasnik Općine Breza“ broj 8/09-prečišćeni tekst), Komisija za realizaciju Strateškog plana razvoja Općine Breza, na sjednici održanoj dana 17.10.2019. godine, d o n o s i

POSLOVNIK

o radu Komisije za realizaciju Strateškog plana razvoja Općine Breza

I - OPĆE ODREDBE

Član 1.

Ovim Poslovnikom se uređuju pitanja rada i organizacije Komisije za realizaciju Strateškog plana razvoja Općine Breza i druga pitanja od značaja za ostvarivanje njenih zadataka i odgovornosti u skladu sa odredbama Zakona o principima lokalne samouprave, Statuta Općine Breza i Poslovnika o radu Općinskog vijeća Breza.

II - NAČIN RADA KOMISIJE

Član 2.

Predsjednik komisije ima pravo i dužnosti da :

- saziva sjednicu Komisije,
- učestvuje u pripremama i void sjednice,
- potpisuje akta Komisije,
- izvještava Općinsko vijeće i javnost o radu Komisije u saradnji sa drugim članovima Komisije,
- dostavlja mišljenje o strateškim dokumentima OV na usvajanje,
- obavlja i druge poslove u okviru prava i dužnosti Komisije.

Član 3.

Sjednice Komisije se održavaju u skladu sa ciklusom planiranja lokalnog razvoja.

Članovi Komisije ne mogu iznositi podatke u javnost ili drugim vijećnicima do donošenja konačnog zaključka Komisije o određenim pitanjima.

Član 4.

Komisija može zasjedati ako sjednici prisustvuje većina imenovanih članova Komisije.

III - SASTAV KOMISIJE

Član 5.

Komisija za planiranje i upravljanje lokalnim razvojem ima predsjednika, zamjenika predsjednika, tri člana koji se biraju iz reda vijećnika, jedan član nevladinog sektora, jedan član udruženja privrednika i dva člana lokalne zajednice.

IV - ZADACI I ODGOVORNOSTI KOMISIJE

Član 6.

Komisija za planiranje i upravljanje lokalnim razvojem:

1. razmatra nacrt i prijedlog strategije razvoja JLS i dostavlja OV mišljenje o dokumentu strategije;
2. razmatra nacrt/prijedlog plana implementacije strategije (1+2) i dostavlja Odjelu za upravljanje lokalnim razvojem mišljenje o planu;
3. razmatra nacrt/prijedlog drugih razvojnih dokumenata (strategija, planova, politika od značaja za razvoj JLS) i dostavlja OV mišljenje o njihovoj usklađenosti sa strategijom razvoja;
4. razmatra izvještaje o realizaciji strategije razvoja i drugih razvojnih dokumenata i dostavlja OV mišljenje o izvještajima;
5. može da pokrene inicijativu za izradu i revidiranje strategije razvoja i drugih razvojnih dokumenata sa odgovarajućim planom implementacije;
6. može da pokrene inicijativu za izradu i razmatranje izvještaja o realizaciji strategije razvoja i drugih razvojnih dokumenata;
7. može da pokrene inicijativu za zakazivanje tematske sjednice OV posvećene razvoju JLS;
8. vrši i druge poslove iz oblasti planiranja i upravljanja razvojem JLS po odlukama i zaključcima OV.

V - JAVNOST U RADU

Član 7.

Rad komisije je javan.

Komisija osigurava javnost rada blagovremenim, potpunim i objektivnim informisanjem javnosti o svom radu.

Za informisanje javnosti Komisija će koristiti službenu stranicu općine kao i druge raspoložive tehničke i ljudske kapacitete općinskih organa uprave.

VI - PRELAZNE I ZAVRŠNE ODREDBE

Član 8

Za sve što nije regulisano ovim Poslovníkom primjenjivat će se odredbe Statuta i Poslovníka Općinskog vijeća i važeći zakonski propisi i drugi opći akti.

Ovaj Poslovník stupa na snagu danom donošenja od strane Komisije i objavit će se u „Službenom glasniku Općine Breza“.

Breza: 08.10.2019

Predsjednik Komisije
za realizaciju Strateškog planarazvoja Općine Breza
mr.sci.Munib A.Zaimović,s.r.

Bosna i Hercegovina
 Federacija Bosne i Hercegovine
 Zeničko-dobojski kanton
OPĆINA BREZA
 Općinski načelnik



Bosnia and Herzegovina
 Federation of Bosnia and Herzegovina
 Hercegovina Zenica-Doboj Canton
MUNICIPALITY OF BREZA
 Municipality Mayor

Broj: 01/2-05-1213-5/19
 Breza, 30.10.2019. godine

30-10-2019

Na osnovu članova 10. stav 1. tačka 5., Zakona o zaštiti stanovništva od zaraznih bolesti (Službene novine FBiH broj: 29/05), Naredbe Ministarstva zdravstva ZDK o provođenju obavezne preventivne sistematske deratizacije, dezinfekcije i dezinsekcije na području ZDK – jesenja faza 2019. godine, broj: 11-37-15102/19 od 10.10.2019. godine, člana 5. stav 3. Direktnog sporazuma za nabavku usluga „Obavezna preventivna proljetna i jesenja sistematska deratizacija na području općine Breza” broj: 01/2-05-1213-3/19 od 31.05.2019. godine i člana 116. Statuta Općine Breza (”Službeni glasnik Općine Breza” – prečišćeni tekst, broj: 8/09) Općinski načelnik d o n o s i

N A R E D B U

o provođenju obavezne preventivne sistematske deratizacije na području općine Breza - jesenja faza za 2019. godinu

I

Naređuje se provođenje obavezne preventivne sistematske deratizacije na području općine Breza – proljetna faza u periodu **od 04.11. do 08.11.2019.godine.**

II

Sistematska deratizacija iz tačke jedan ove naredbe obuhvata:

1. Javne i zelene površine u pojasu naselja sa koncentrisanim stanovništvom (gradska naselja),
2. Nezvanična (neorganizirana) odlagališta otpada-smetljišta,
3. Objekti javnih zdravstvenih ustanova sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada prostori za skladištenje i pripremu hrane, te pripadajuće površine kao što su dvorišta i parkovi),
4. Općinske institucije i njihove ispostave sa pripadajućim vanjskim površinama,
5. Individualne stambene zgrade u privatnom vlasništvu u užim zonama gradskih naselja (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi).

III

Troškove za površine i objekte iz tačke II Naredbe snosi Općina Breza.

IV

Obaveznu preventivnu sistematsku deratizaciju– proljetna faza za objekte i površine iz svoje nadležnosti u skladu sa Programom provođenja obavezne

sistematske deratizacije na području ZDK u 2019. godini će provesti "Sanacija 3D" d.o.o. Sarajevo.

Ostali subjekti koji podliježu provođenju preventivne sistematske deratizacije – proljetna faza, ukoliko ne prihvate usluge gore navedene firme, dužni su istu provesti pod nadzorom ovlaštenog pravnog lica i to u vrijeme izvođenja preventivne sistematske deratizacije na području općine Breza u periodu od **04.11. do 08.11.2019.godine**, te nadležnom inspektoratu predložiti dokaz o istom.

V

Subjekti koji podliježu provođenju preventivne sistematske deratizacije – proljetna faza, su dužni obezbijediti nesmetan rad ekipama Dobavljača "Sanacija 3D" d.o.o. Sarajevo.

VI

Nadzor i kontrolu izvođenja akcije preventivne sistematske deratizacije – proljetna faza za područje općine Breza provodit će općinski sanitarni inspektor.

VII

Ova naredba stupa na snagu danom donošenja, a objavit će se u "Službenom glasniku Općine Breza" i putem sredstava informisanja.

OPĆINSKI NAČELNIK

mr.sci. Munib A. Zaimović

Dostavljeno:

1. Dom zdravlja Breza
2. Ministarstvo zdravstva ZDK, ul Abdulaziza Aska Borića 2B, Zenica
3. „Sanacija 3D“ d.o.o. Sarajevo, ul. Nedžede Petrović 18 DO, 71000 Sarajevo
4. Općinski sanitarni inspektor
5. Radio Breza
6. Oglasna ploča
7. web stranica Općine Breza
8. Službeni glasnik Općine Breza
9. a/a

S A D R Ź A J

- 218. Odluka o prodaji neizgrađenog gradskog građevinskog zemljišta neposrednom pogodbom, radi oblikovanja građevinskih parcela.
- 220. Zaključak kojim se prima na znanje Informacija o rezultatimamjerenja Kvaliteta zraka na području Općine Breza.
- 220. Zaključak kojim se prima na znanje Informacija o socijalno-ekonomskom Stanju boračke populacije na Području Općine Breza tokom 2019.godine.
- 221. Zaključak kojim se prima na znanje Informacija o gospodarenju u šumi i šumskom zemljištu na području Općine Breza za 2018.godinu.
- 222. Zaključak o davanju saglasnosti Hasanspahić Salihu da u ime Osnivača predsjedava na 38 redovnoj sjednici Skupštine JP „Komunalno“ d.o.o. Breza.
- 223. Zaključak o davanju saglasnosti na Poslovnik o radu Komisije za realizacijuStrateškog plana razvoja Općine Breza.
- 224. Poslovnik o radu Komisije za realizaciju Strateškog plana razvoja Općine Breza.
- 226. Naredba o provođenju obavezne preventivne sistematske deratizacije Na području Općine Breza – proljetna faza u period od 04.11. do 08.11.2019.godine.

